

Decisiuns dalla radunanza communal Surses

La radunanza communal Surses digls 24 da fandour 2020 ò

- decida, ancunter la recumandaziun dalla suprastanza e digl cunsegl da scola, cun 213 cunter 141 vouchs da reintrodueir igl rumantsch surmiran scu lungatg d'alfabetisaziun ainten la scola populara Surses, an pe digl rumantsch grischun. La midada vign fatga sen igl onn da scola 2021/22. Las scolaras ed igls scolaras tgi èn nias alfabetisos gio ainten l'amprema classa an rumantsch grischun, cuntinueschan per l'antiera durada digls 9 onns da scola obligatorica cun igl rumantsch grischun.
- an connex cun igl rendachint 2019 decida
 - sainza cuntervouch da metter 2 milliuns francs ainten la prefinanziaziun (capital agen) per igl project «tgesa da scola primara Savognin»; ed
 - unanimamaintg d'approvar igl rendachint 2019, tgi cumpeggia bilantscha, chint economic, chint d'investiziun, chint dalla circulaziun digls daners ed agiunta. Igl rendachint sera cun en surple d'antradas da fr. 1'330'359.00. Las investiziuns bruttas montan a radond 10.6 milliuns francs (investiziuns nettas radond 8.68 milliuns francs).
- piglia cunaschiantscha da diversas infurmaziuns.

Igl protocol dalla radunanza communal digls 24 da fanadour ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitgia a taimp util aint igl figl uffizial digl cumegn.

Tinizong, igls 28 da fanadour 2020

Suprastanza communal Surses